

四庫全書

子部

欽定四庫全書

子部

薛氏醫案卷七十一

詳校官太醫院吏目臣朱桂

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄貢生臣李廷對

欽定四庫全書

薛氏醫案卷七十一

明薛己訂

保嬰撮要十六

不靨悶亂哽氣腹脹之症

陳文宿先生云痘瘡十一日至十二日當靨不靨身熱  
悶亂不寧卧則硬氣腹脹泄瀉寒戰咬牙急用異功散  
加木香當歸以救陰陽表裏助其收靨竊謂前症若手

足並冷屬脾胃虛寒宜用十二味異功散手足微冷屬脾胃虛弱宜用五味異功散加木香若手足熱大便秘屬脾胃實熱宜用清涼飲救其陰以抑其陽

一小兒痘寒戰咬牙瀉渴腹脹手足冷時仲夏飲沸湯口不知熱先君謂脾氣虛寒用十二味異功散一劑頓安又用五味異功散調補而愈再用參芪四聖散而愈一小兒痘不結痂發熱飲湯哽氣腹脹此脾氣虛弱用五味異功散參芪四聖散而愈後噫氣下氣欲服枳殼

之類余謂噫氣屬心火虛下氣屬脾氣虛朝用六君子湯加薑桂夕用補中益氣湯而愈

一小兒噁氣喘咳腹脹下氣手足不冷不熱此脾虛不能攝氣而腹脹下氣肺虛不能攝氣而噁氣喘咳用五味異功散加升麻而愈

一小兒痘將愈足冷噁氣腹痛手冷至臂唇青面白屬脾胃虛寒也用五味異功散加附子二劑足稍溫又用六君薑桂二劑諸症漸退乃去薑桂服之而痊

一小兒痘不結痂作渴飲冷大便秘結此腸胃有熱也  
先用清涼飲末一錢大便和而頓靨又用人參麥門冬  
散八珍湯而痊

一小兒痘不結痂用補中益氣湯地黃丸料煎服而愈  
次年畢媼後寒熱作渴頭運脉洪數按之微細此脾腎  
虛火上炎也以前藥各加肉桂五分引火歸經而愈

一小兒痘不靨發熱因乳母有肝火用加味逍遙散人  
參白朮散母子俱服而熱止又用柴胡麥門冬散而痊

一小兒十五歲久而結痂寒熱往來脉洪數按之無力  
用十全大補湯而痊後因勞寒熱復發用補中益氣湯  
而安

六君子湯治脾氣虛弱或因尅伐之劑虧損中氣飲食  
少思或痘瘡不起發灌漿結痂

人參 白朮炒 茯苓 陳皮炒 半夏湯洗 甘草炒各等分

右三五錢薑棗水煎徐徐服

四君子湯即六君子湯去陳皮半夏

四順清涼飲王海藏先生云痘疹膿貫而不焦者由治失清涼之法內外熱毒無以收斂辟如五穀得陽氣而成熟得陰氣而成實用清涼飲子下之

方見大便不通

十二味異功散

方見項陷灰白

人參麥門冬散

方見發熱口渴

柴胡麥門冬散

方見作痒搔破

加味逍遙散

方見欲靨不靨

補中益氣湯



五味異功散

二方見寒戰咬牙

參芪四聖散

十全大補湯

二方見腹脹氣促

人參白朮散

即七味白朮散

地黃丸

二方見發熱屬陰陽

兩目生翳痕黯凹凸之症

陳文宿先生云痘瘡十二日至十三日瘡痂漸落其癩  
猶黯或凹或凸肌肉尚嫩不可洗澡并忌五辛煎燂之

物恐熱毒上薰肝膈眼生瘡翳或有是患用穀精草散  
治之竊謂前症目為肝之竅或肝經風熱或肝經血虛  
或肝經熱毒或肝經寒熱相搏或肝府內熱或乳母肝  
經有熱或食膏粱厚味故多犯其目若失於早治多成  
廢疾

一小兒出痘兩眼不開先君謂肝經有熱用消毒化癍  
湯母子服之而愈

一小兒兩目不開先君謂肝經熱毒先用柴胡麥門冬

散又用四物湯加山梔而愈

一小兒痘瘡目赤腫痛此肝火為患用柴胡麥門冬散穀精散而愈

一小兒痘將靨目不開脉浮而無力右關按之緩弱此脾氣虛耳用補中益氣湯加蔓荊子二劑去蔓荊子又數劑而愈後每勞役目中作脹不能開合朝用補中益氣湯夕用五味異功散而愈

一小兒眼痛不開屬肝經風熱用柴胡麥門冬散犀角

地黄湯加柴胡各一劑開而見赤翳迷漫仍用前藥加穀精草而愈

一小兒出痘目閉二十餘日用清肝解熱之藥兩目雖開其睛已傷此失於早治也

一小兒目中出痘作痛肝脉弦洪有力先用小柴胡加龍膽草生地黃一劑而痛稍止乃用四物柴胡山梔一劑痛全止再用加味逍遙散蟬菊散而愈

一小兒目中出痘肝脉弦數此木火相搏用四物山梔

牡丹皮柴胡二劑再用加味逍遙散二劑肝脉平和又用四物牡丹皮而靨但目有青翳用蛇蛻散三味殼精草散而痊

一小兒素食膏粱目中出痘作痛口渴大便堅實左右關洪數有力弦長此形病脉俱實先用柴胡梔子散瀉黃散各一服又用柴胡梔子散柴胡麥門冬散而痊

一痘兒眼不開肝脉數按之有力同柴胡梔子散子母服之眼漸開又因母勞怒仍閉用加味逍遙散而愈後

復閉用柴胡麥門冬散而痊

一小兒目中生翳診其肝腎疳症用九味蘆薈丸六味地黃丸及粉丹散翳漸退又用柴胡麥門冬散而痊  
羊肝散治痘毒入眼或無辜疔入目

密蒙花 青箱子 決明子 車前子

右為末用密蒙花末三錢餘藥各一錢以羊肝一葉薄批摻上濕用紙裹煨熟空心食之

蛇蛻散治痘毒目翳

蛇蛻

二錢  
為末

瓜蒞仁

五錢  
研爛

右為末用羊肝一片批開入末二錢用線紮緊米泔  
煮熟頻與兒食外用粉丹散

三味穀精草散治痘疹翳膜遮睛障瞳子

穀精草

一兩  
蛤粉

黑豆

各二  
兩

右為末用雄猪肝一葉竹刀批開摻藥在內以麻線  
縛定砂碓內水煮熟令兒食之

蟬菊散治痘入眼或病後生翳障

蟬蛻

洗

白菊花

各等分

右每服一錢水煎入蜜少許量兒服

二味穀精草散治痘瘡已靨目翳膜障瞳神隱澁淚出久而不退

穀精草

一兩生蛤粉二兩

右為末用獷猪肝一葉竹刀批片子摻藥在內以綿扎入砂器內水煮令兒熟食之

粉丹散

即吹耳丹

治眼生翳膜



輕粉 黃丹

右為末竹筒吹耳內左眼有翳吹右耳右患吹左耳

即退

通神散治癰瘡入目內生翳障

白菊花

菘荳末

生用

穀精草

各等分

右為末每服一錢乾柿一箇米泔水一盞煮乾末不拘時但食柿餅五七次至七日可見效

黃柏膏治痘瘡初出就塗面則痘瘡不生於面目用之

若遲雖出亦稀

黃栢

一兩

菜豆

甘草

各四兩  
生用

右為細末清油調如膏從耳前眼唇面並塗之曰三

五度

羊肝丸治痘瘡入目不能開

羯羊肝

一具  
生用

黃連

炒為末

右先將羊肝去筋膜於石器內搗爛入黃連末丸如

桐子大每服二三十丸食後清茶送下

蟬蛻散治癩疹入目半年已過者一月取效

蟬蛻

一兩

猪懸蹄甲

二兩瓦罐內用鹽泥封燒存性

右二味為末入羚羊角末五錢每服五分白湯調下

九味蘆薈丸治肝經積熱面目生翳耳中出水大便不

調肢體消瘦等症

方見疔蝕症

小柴胡湯

方見癩症

柴胡麥門冬散

方見作痒搔破

四物湯

方見痘瘡出遲

六味地黃丸

方見痘瘡發熱屬陰屬陽

瀉黃散

方見靨後發熱咽痛

消毒化癍湯

即消毒救苦湯  
方見夾疹痘

加味逍遙散

方見欲靨不靨

柴胡梔子散

即柴胡清肝散  
方見作痒搔破

補中益氣湯

五味異功散

二方見寒戰咬牙  
一名小異功散

靨後發熱咽痛不利之症

陳文宿先生云痘瘡收靨之後渾身壯熱經日不除別無他症用柴胡麥門冬散如不退服人參白朮散若風熱咳嗽咽喉不利用桔梗甘草防風湯竊謂前症有因熱毒未解者有因胃氣虛熱者有因胃氣實熱者其因不能枚舉當臨症制宜而藥之

一小兒咽痛壯熱痘痕色赤手微熱此餘毒未解用柴胡麥門冬散而安七日之後復熱手指初捏似熱久捏則冷此脾氣虛也用五味異功散而痊

一小兒痘咽痛大便不實口渴飲湯手足不熱此脾胃  
虛弱也用人參白朮散而大便實但不時寒熱用加味  
逍遙散而愈

一小兒痘咽痛發熱作渴面赤飲冷此胃經實熱也用  
射干鼠粘子湯而愈因食厚味復發手足並熱用瀉黃  
散一劑而痊

一小兒痘咽痛發熱飲冷大便黃色手足指熱此脾胃  
實熱也用瀉黃清胃二散各一劑而愈後因乳母食厚

味兒口角流涎不能吮乳仍用前藥治母而愈

一小兒痘咽痛足熱余謂此稟足三陰虛而無根之火上炎也古人有云痘歸腎經必不可救當用壯水之劑亦有生者奈彼不悟翌日果腰痛咽啞始信余言乃用大劑地黃丸料加五味子并補中益氣湯而愈

一男子出痘上體甚熱兩足俱冷喉痛作渴瘡亦不起發此稟腎經虛熱也以六味地黃丸料煎與恣飲漸愈又用八珍湯而痊

一小兒面色素白出痘咽痛發熱面赤作渴飲湯手足指冷此稟足三陰虛也用大劑加減八味丸料煎與恣飲又以益氣湯助其脾肺以滋化源痛止熱退而愈

射干鼠粘子湯治痘疹咽喉作痛及痘疹後癰疽瘡毒

鼠粘子

即牛蒡子

甘草

升麻

射干

各二錢

右水煎量服之

瀉黃散治脾胃實熱患瘡口渴飲冷

藿香葉

七葉

石膏

煨五錢

甘草

三錢

防風

山梔仁

炒各兩



右為末每二錢水煎入蜜少許嬰兒乳母服之

六味地黃丸

方見痘瘡發熱屬陰屬陽

清胃散

方見痘不結痂

八珍湯

方見頂陷灰白

人參白朮散

即七味白朮散  
方見痘瘡發熱屬陰屬陽

柴胡麥門冬散

方見作痒抓破

加減八味丸

即六味丸加  
五味子肉桂

加味逍遙散

方見欲靨不靨

五味異功散

補中益氣湯

二方見寒戰咬牙

頂陷心煩狂躁氣喘之症

陳文宿先生云痘紫色頂陷心煩狂躁氣喘妄語或如見鬼神內熱便秘者宜用龍腦膏子猪尾膏如無內熱大便不實不可輕服竊謂前症多因初起熱盛之時失於解利所致亦有因痘毒未盡有因胃經有熱有因肺胃有熱有因心脾有熱煩躁痘裂出血便血衄血屎黑

痕赤詳見各症大凡作渴發熱手足指冷或大便秘結者內有熱也切不可禁其飲水觀張子和述水中兒事良可驗矣蓋熱極故得水而生也

一小兒痘疹狂喘熱渴飲冷痰涎不利先君用十六味清膈飲犀角地黄湯而痊

一小兒痘紫發熱小便不利手足發熱此肺經有熱用人參清肺飲小便隨利又用犀角地黄湯而靨

一小兒痘紫作渴手足並熱余謂胃經有熱用竹葉石

膏湯一劑諸症頓退而愈用人參白朮散而痊

一小兒痘紫作痛其頂欲陷發熱飲冷作渴痰喘小便  
秘結此肺胃有熱用十六味清膈散一劑諸症頓減又  
用葛根麥門冬散一劑而愈

一小兒出痘發狂作渴飲冷此上焦熱熾也用黃連解  
毒湯芹菜汁而止又用紫草快癍湯將靨因問藥餌三  
日色黑倒靨用紫草散渴止又用人參白朮散而痊  
一小兒出痘喘咳面赤其脉洪數右寸脉尤甚此心火

尅肺金用人參平肺散以清心肺再用地黃丸以壯腎  
水喘嗽頓止

一小兒痘將愈喘躁作渴面赤此稟足三陰虛也用地  
黃丸料數劑諸症稍可又佐以益氣湯諸症漸愈後因  
沐浴出汗仍喘咳煩躁面赤脉洪大按之如無此汗多  
亡陽也用當歸補血湯而愈畢姻後喘咳音啞用地黃  
丸益氣湯各百餘劑得遠幃幙而生

一小兒痘愈後時發狂兼喘發過面色黃白手足並冷

此脾胃虛弱也余用補中八珍二湯各三十餘劑或云當先降火邪而後補元氣乃服芩連朴硝之類汗吐不止而歿

十六味清膈散治涕唾稠粘喘嗽痰盛身熱鼻乾大便如常小便黃赤

人參 柴胡 當歸 芍藥 知母 桑白皮

白朮 黃芪 紫苑 地骨皮 茯苓 甘草

桔梗 黃芩 石膏 滑石

炒半兩

煨

右每服三錢薑水煎量服之

葛根麥門冬湯治痘疹胃經熱甚頭疼悶煩或痘後餘

毒

麥門冬 乾葛 人參 赤芍藥 升麻 茯苓

各二分 石膏末 五分 甘草 二分

右水煎服

犀角地黄湯治鬱熱不解氣血湧為衄血或流入胃脘  
而吐血或餘血停滯面色痿黃大便色黑

犀角 生地黃 白芍藥 牡丹皮 各一錢

右水煎乳母同服

人參平肺散治心火尅肺金傳為癰痿咳嗽喘嘔痰涎壅盛胸膈痞滿咽噎不利

人參 陳皮 甘草 地骨皮 茯苓 各一錢 知母

青皮 分四 五味子 錢炒一 天門冬 去心四分 桑白皮

右水煎徐徐服

竹葉石膏湯治痘瘡胸中煩悶小便赤澁口乾作渴兼



有赤癍又宜服犀角散

方見泄瀉咬牙

龍腦膏子治時氣踈痘瘡及赤疹子未透心煩狂躁氣喘妄語或見鬼神或已發而陷伏宜速治否則毒入臟必死

### 生龍腦

右研細滴雄猪心血丸菘豆大每服一九心煩狂躁紫草湯下瘡陷伏溫酒化下一方加辰砂五分尤妙服後少時心神清爽得睡瘡疹發透

猪尾膏治痘瘡黑陷倒靨

用小猪尾尖刺血兩三點入腦子少許辰砂末一錢  
同研膏以木香湯化下

紫草快癍湯治痘疹下血不止不能發出血氣不足色  
不紅活等症 即紫草湯

紫草 人參 白朮 茯苓 當歸 川芎 芍  
藥 木通 甘草 糯米

右每服二錢水煎

人參清肺散

方見痘喘

八珍湯

方見頂陷灰白瀉渴

黃連解毒湯

方見痲症

地黃丸

即六味地黃丸

人參白朮散

即七味白朮散  
二方見發熱屬陰陽

補中益氣湯

當歸補血湯

二方見寒戰咬牙

作痒抓破膿水淋漓之症

陳文宿先生云痘瘡作痒抓破成瘡膿水淋漓者由血氣衰肌肉虛也宜用木香散加丁香肉桂及敗草散切忌用牛糞灰竊謂前症皆因氣血虛弱所致預為調護使氣血和平庶無此患又必察其外症色白者用四君之類色赤者用四物之類若因鹹味宜用蟬蛻散之類一小兒口乾作渴脉浮而數此血氣虛而有熱也用參芪四聖散加蟬蛻而痒止用托裡散加蟬蛻而膿貫又用托裏散將靨忽發熱作渴而痒此血虛也用八珍湯

當歸補血湯而愈

一小兒痘赤作痒脉弦按之則數此乃肝火血燥生風  
先用柴胡麥門冬散加蟬蛻而痒止又用托裏散而痂  
脫後仍痒痕白用八珍湯倍加參芪而愈

一小兒痘瘡作痒色赤心肝二脉數而弦此風熱相持  
而血熱也用四物黃連柴胡丹皮而痒止用八珍湯當  
歸補血湯而瘡愈

一小兒痘後作痒夜甚不寐此脾經氣血俱虛用四君

歸芪數劑而止後傷食作瀉復痒不寐仍用前藥及五味異功散而愈

一小兒痘瘡愈後身痒膿水淋漓內熱口乾用四君歸芪及補中益氣湯并六味地黄丸而愈

一小兒痘痕作痒服祛風藥遍身皆痒膿水淋漓口禁發搐面色皎白此氣血俱虛余用大補湯參芪四聖散而愈

一小兒痘瘡已愈而犯色慾遍身作痒痘痕赤色氣息

淹淹脉洪數無力左尺為甚先用大補湯內用人參五錢數劑形氣稍復佐以大劑加料八味丸料又五十餘劑而痊

一小兒痘將靨身痒脉浮數按之無力此真氣不能榮於腠理用補中益氣湯漸愈因功課勞心自汗用六一湯而愈後煩躁面赤自汗如雨用當歸補血十全大補二湯而愈

一小兒汗出如雨手足發熱作渴飲冷右關洪數有力此

胃經實熱也用清胃散一劑頓退因食膏粱復痒發熱  
飲冷用瀉黃散末一錢渴止又用白朮散去木香而痊  
一女子靨後身痒脉浮大此脾肺氣虛也朝用補中益  
氣湯夕用黃芪六一湯而愈經行復痒發熱用加味道  
遙八珍湯而痊

一男子痘愈而入房身痒昏憤脉大而無倫次按之如  
無用獨參湯十五劑而甦又大補湯二十餘劑脉斂又  
二十餘劑脉微細而畏寒此火歸經又五十餘劑而痊



一婦人痘方愈因勞發痒服消風散口噤流涎余謂曰此因元氣復傷不信仍服前藥更四肢發搐余用十全大補加味逍遙而愈

一小兒痘愈後作痒服消風散四肢發搐口噤流涎余謂脾土虧損而肝木所尅果歿

一小兒痘膿未滿面赤作痒余謂氣血虛而有熱欲行溫補不信乃服清熱之藥而歿

柴胡麥門冬散治肝膽經有熱靨後不解

柴胡

麥門冬

錢各一

人參

玄參

龍膽草

分各五

甘草

炒

右水煎量兒大小服

參芪四聖散治痘瘡不能長滿生膿或色白作痒

方見腹脹氣促

五味異功散治稟賦元氣虛弱肌肉消薄榮衛短促而

患瘡瘍不能消散或脾肺氣虛不能生肌收口大凡

諸症因脾氣虛而不能愈者皆宜服之調補元氣則

自愈矣

方見寒戰咬牙

黃芪六一湯治瘡瘍後氣虛作渴愈後復渴尤宜服之

黃芪

錢六

甘草

錢一

右水煎服

柴胡梔子散治肝膽經有熱瘡毒不愈或發熱不止

柴胡

牡丹皮

山梔

錢各一

川芎

芍藥

茯苓

各七分

白朮

炒

甘草

各五分

當歸

牛蒡

炒各七分

右水煎母子同服

十全大補湯

獨參湯

參芪四聖散治痘瘡不起不能長滿生膿或作痒

三方見腹

脹氣促

補中益氣湯治痘瘡中氣虛弱或因尅伐以致身痒惡寒發熱煩渴體倦飲食少思或不能結痂作痒者

當歸補血湯 二方見寒戰咬牙

加味逍遙散 方見欲靨不靨

四君子湯 方見不靨悶亂

六味地黃丸

方見痘瘡發熱屬陰陽

四物湯

方見痘瘡出遲

托裏散

方見痘癰

八珍湯

即四君四物二方相合

瀉黃散

方見靨後發熱咽痛

加減八味丸

即六味加用五味子肉桂肉

清胃散

方見痘癰

風邪搏於肌肉患疔蝕之症

陳文宿先生云痘疹已靨未愈之間五臟未實肌肉尚虛血氣未定忽被風邪搏於肌肉膚腠之間則津液澀滯故成疔蝕瘡也宜用雄黃散綿繭散治之久而不愈則潰蝕筋骨以致殺人竊謂雄黃散清肝殺虫解毒綿繭散治膿水淋漓皆治外之良方內無餘毒者宜用此法若因肝脾疔火上炎或食甘肥而胃火內動或手足陽明經蘊熱或腎經虛熱各有不同皆元氣不足病氣有餘乘虛而發也焮痛作腫用仙方活命飲大蘇葶湯

疳熱為患用大蘇荑湯四味肥兒丸腎經虛熱用地黃丸當臨症制宜分五臟相勝審乳母之氣何如扶助胃氣為善

一女子患疳症因浴熱湯發熱如災體強如痊此腠理間泄邪熱乘虛而內作用十全大補湯一劑頓安同時亦有患此症不用補劑者甚至不救

一小兒痘後遍身津淫作痒此兼因疳為患用大蘇荑湯及蟾蜍丸而愈後作渴口中作痛用蟾蜍丸人中白

散而安

一小兒痘後毒蝕腮余謂肝脾有熱助疔而患也用大  
蕪荑湯大蘆薈丸為主以五味異功散為佐月餘漸愈  
却以五味異功散佐以大蕪荑湯而痊

一小兒臀間痘毒蝕爛略敷雄黃散益甚余謂兼肝脾  
疔也先用大蕪荑湯活命飲各二劑又用九味蘆薈丸  
為主以五味異功散為佐月餘諸症漸愈

一小兒患前症發熱作渴兩足晡熱余謂稟腎經陰虛



不信恪服清熱敗毒而歿

一小兒痘出甚密先四肢患毒膿潰而愈後口患疔涎  
蝕牙齦余先用大蕪荑湯活命飲各一劑又用蟾蜍丸  
人中白散而安

一小兒痘毒蝕陷敷雄黃散服加味解毒散而愈

一小兒臉患之作痛用仙方活命飲又敷雄黃散大蕪  
荑湯而愈

韶粉散治痘瘡毒氣未散瘡痂雖落其癍猶黯或凹或

凸此藥塗之

韶粉

一輕粉  
一兩

右煉猪脂油拌勻如膏塗之如痘痂欲落不落當用  
後方

羊髓骨髓

右入輕粉研成膏塗之如痘痒搔成瘡及瘡痂欲落  
不落用上等白蜜塗之其痂自落亦無癍痕神效

雄黃散治痘毒牙齦生疳蝕瘡

雄黃

錢一 銅綠 錢二

右研細量瘡大小乾摻

綿繭散治痘毒蝕瘡膿水不絕

出蛾綿繭

不拘多少

右用生礬末碎貫繭內以炭灰燒礬汁乾取出為末  
乾貼之

九味蘆薈丸治痘毒成疔齒蝕爛齧或透頰顛或肝脾  
疔熱結核耳內生瘡兩目生翳耳中出水或小便出

津物中結核或大便不調肢體消瘦等症

胡黃連 宣黃連炒 蘆薈 木香 白蘘葍炒

青皮 白雷丸 鶴虱草各一兩 麝香三錢

右各另為末糊丸麻子大每服五分空心米湯下仍量兒用之

大蘘葍湯一名梔子茯苓湯 治痘毒上攻口齒成疔發熱作渴

大便不調髮黃脫落面黑便清鼻下生瘡乳食嘔吐等症

山梔仁

分三

黃柏

甘草

分二 各

大蘇莖

分五

黃連

麻

黃根

分一

羌活

分二

柴胡

分三

防風

分一

白朮

茯苓

分各五

當歸

分四

右水煎服

導赤散

生地黃

木通

甘草

分各等

右為末每服一錢淡竹葉水煎

敗草散治痘瘡搗搗成瘡膿血淋漓用屋爛草或蓋牆

爛茅年遠者佳如無曠野生者尤佳為末搽之如遍  
身患者須多摻鋪席上令兒坐卧其瘡即愈

丹粉散治痘毒膿水淋漓

輕粉

黃丹

各二錢

黃連末

三錢

右研勻搽患處

立效散治一切胎毒瘡疥及風疼痛

大黃

黃栢

山梔

寒水石

煨各等分

右為末用清油燭調搽若破而膿水淋漓用當歸膏

大楓膏治一切瘡疥

黃連

大楓子肉

研膏各二兩

真輕粉

枯礬

蛇床

子

各一兩

柏油

六兩

右各另為末入大楓膏和勻更入柏油杵百餘即成膏矣每用少許塗患處

加味小柴胡湯

方見癰疹

加味道遙散

方見欲靨不靨

人參平肺散

犀角地黄湯

二方見項陷心煩

柴胡梔子散

方見作痒抓破

三黃散

方見癰爛

八珍散

方見項陷灰白

地黃丸

方見發熱屬陰陽

十全大補湯

方見腹脹氣促

補中益氣湯

當歸補血湯



五味異功散

竹葉石膏湯

四方見泄瀉咬牙

四味肥兒丸

加味解毒散

人中白散

東垣消毒救苦湯

四方見夾疹痘

蟾蜍丸

清胃散

仙方活命飲

三方見痘癰

癰症

陳文宿先生云癰疹之症俗言疹子是肺胃有熱或時氣所作發於皮膚遍體狀如蚊蚤所咬凡色赤者十生一死色黑者十無一生錢氏云癰症初發類似傷寒發熱五六日或七八日而出或乍涼乍熱或咳嗽泄瀉不食面赤眼光如水生眵或噴嚏痰涎或熱渴乾嘔或大便急而小便澁余竊謂前症若身熱煩渴者用升麻湯

自汗煩渴者化癍湯煩渴熱瀉白虎蒼朮湯熱盛譫語  
導赤散咳嗽不已生地黃散吐血衄血或大小便血犀  
角湯喉間作痛甘桔防風湯咽喉腫痛玄參升麻湯乍  
涼乍熱小柴胡湯喘嗽不已柴胡五味子湯小便不利  
柴苓湯熱盛乾嘔解毒湯停食嘔吐或腹脹作瀉平胃  
散大便不通加枳實飲食已消或仍作嘔四君子湯大  
便秘或喘滿者先用前胡枳殼湯下之乃用春澤湯瘥  
後熱毒不除葛根黃連湯餘毒成瘡射干鼠粘子湯消

毒飲又有夾痘而出者其勢最速乃血乘其勢而為患也如大便硬用清涼飲少許下之癍退四君歸芪固其元氣肢體疼痛用活命飲一服殺其毒氣仍用托裏散治之

一小兒七日不消頭痛發熱防其內陷此表邪未解用葛根麥門冬湯一劑頓解再劑而痊

一小兒惡寒發熱頭痛拘急先用人參羌活散一劑外邪頓散又用五味異功散而安

一小兒月餘不消增實壯熱頭痛拘急此表邪未解也  
用人參敗毒散一劑而表邪退再用惺惺散而痊

一儒者年踰二旬患前症煩渴飲冷用竹葉石膏湯化  
瘧湯各一劑熱渴頓愈用快瘧湯痘瘡頓起用八珍湯  
而痊

一產婦患此乃風熱所致用惺惺散而風熱散用六味  
活血湯而瘡起發用八珍湯而痊

一小兒患此鼻塞聲重發熱身痒用人參消風散而表

症愈後發熱搔破膿水淋漓脉浮大按之無力此脾胃氣虛不能榮於腠理朝用補中益氣湯夕用黃芪六一湯而愈後因感冒服表散之劑煩躁發熱面目俱赤脉大而虛用當歸補血湯而痊

一小兒發熱作渴二便秘澁用大連翹飲二便隨通但嘔吐痰涎腹痛不食此邪氣去而真氣復傷也用五味異功散而痊

惺惺散治風熱時氣瘡疹頭疼壯熱目澁多睡咳嗽喘

麓

桔梗 真細辛 人參 甘草 白茯苓 川芎

白朮 各五分 薄荷

右水一盞薑三片煎服

黃連解毒湯治疹毒吐血乾嘔

黃連 黃栢 黃芩 梔子 各三錢

右水煎量大小服

柴胡五味子湯治癍疹喘嗽 即小柴胡湯內加五味子

小柴胡湯治癍疹乍涼乍熱似瘧喘嗽

柴胡

三錢

人參

黃芩

各二錢

半夏

一錢二分

甘草

一錢

右生薑三片水一盞煎至六分溫服

柴苓湯治痘疹小便不利

柴胡

黃芩

猪苓

澤瀉

茯苓

白朮

各一錢五分

分

右薑水煎量大小服

人參消風散治癍疹等症



人參

錢三

荆芥穗

甘草

炙

陳皮

錢各五

白僵蠶

茯苓

苓

防風

芎藭

藿香

蟬蛻

錢各三

厚朴

薑製  
三錢

羌活

錢二

右每服一錢水煎服

人參敗毒散治癰疹發熱惡寒咳嗽等症

人參 茯苓

川芎

羌活

獨活

前胡

柴

胡

枳殼

麩皮  
炒

桔梗

甘草

炒各  
等分

右每服二三錢水煎

生地黄散治痘疹煩熱咳嗽

杏仁

陳皮

錢各一

生地黄

麥門冬

錢各一

甘草

五分

右水煎服忌酒醋鹽酸之物

白虎蒼朮散治痘疹癍症

玄參升麻湯

化癍湯

三方見水痘麻痘

升麻葛根湯

方見後

乾葛麥門冬湯

犀角湯

二方見頂陷心狂

快癡湯

方見頂陷心煩

六味活血散

活命飲

二方見痘癰

大連翹飲

春澤湯

人參羌活散

葛根黃連湯

四方見夾疹痘

五味異功散

當歸補血湯

補中益氣湯

三方見寒戰咬牙

黃芪六一湯

方見作痒抓破

竹葉石膏湯

方見泄瀉咬牙

射干鼠粘子湯

方見靨後發熱

桔梗防風湯

方見痘寒戰

前胡枳殼湯

方見痘涕唾稠粘

四君子湯

方見不齏悶亂

四順清涼飲

方見大便不通

水痘麻疹

陳文宿先生云水痘之症身熱二三日而止或咳嗽面赤眼光如水或噴嚏咳唾稠粘與痘不同易出易靨不能為害湯民望先生云麻疹乃天行時氣熱積於胃胃主肌肉故發於遍身狀如蚊子所嚙色赤者十生一死色黑者十死一生此症亦與癩症不同其癩症如錦紋

而但空缺處如雲路之狀麻症乃遍身而無空處但以  
疎密之不同耳麻痘漸出咳嗽煩悶嘔逆清水眼赤咽  
喉口舌痘瘡用黃連杏仁湯若催出而成斑爛如錦紋  
或膿水腥臭心胸咳悶嘔吐清水不時身熱用黃芩知  
母湯初起發熱疑似之間可用升麻湯然麻症始終宜  
用麻黃湯表之痘症表與下皆不可大抵發熱煩渴用  
升麻葛根湯發熱咳嗽人參麥門冬湯發熱煩躁小便  
不通大連翹飲冬寒腠理閉塞葛根橘皮湯

一小兒患之發熱作渴遍身作痛大小便乾澁此熱毒鬱滯於內用葛根麥門冬湯一劑頓安又用解毒散而愈

一小兒患此身痛發熱煩躁此風邪搏於表也用玄參升麻湯諸症頓解但倦怠發搐此脾虛為肝所侮也用和肝補脾湯而安

一小兒患此腹痛煩渴面赤咳嗽痰涎用升麻湯一劑遍身如錦用化癍湯一劑而安又用人參麥門冬散而

愈

一小兒痘隱於肉裡而不現煩渴躁熱衄血吐血或便  
血用解毒湯犀角湯各一劑而血止又用導赤散而愈  
一小兒患此寒熱乾嘔先用小柴胡湯加生地黄而寒  
熱止用解毒湯而發用生料四物湯而全愈

一小兒患此五日不消發熱煩躁右關脉洪數而有力  
此胃經實熱先用化癍湯一劑又用參滑散而愈

三豆飲治天行痘瘡始覺即服之多者必少少者不出



小赤豆 黑豆 萊豆 各一百粒 甘草節 五錢

右水煮熟任食之七日自不發

參滑散治水痘

地骨皮 麻黃 去節一分 人參 滑石 大黃 煨一分 知

母 羌活 甜葶藶 炒一分 甘草 炙半分

右為末每服五分水一小盞小麥七粒煎數沸每服三五匙不可多服

按前方發表散邪疏通內熱之峻劑若遍身作痛壯

熱煩躁作渴飲冷大便秘結小便澁滯喘嗽等症宜  
用此方然水痘多屬表邪或發熱引飲小便赤澁者  
當用升麻葛根湯如無他症不必用藥

和肝補脾湯治風熱瘡疹脾土不及肝木太過

人參 陳皮 川芎 各五分 白朮 茯苓 芍藥 各七分

分柴胡 甘草 炙各三分 山梔 炒四分

右作二劑水煎服

白虎蒼朮湯

石膏

錢四

蒼朮

錢一分五

知母

錢一

甘草

分五

粳米

撮一

右水煎服

黃連杏仁湯治麻痘漸出咳嗽煩悶嘔逆清水眼赤咽

喉口舌生瘡作瀉

黃連

兩一

陳皮

杏仁

去皮尖  
麩炒

麻黃

去節

枳殼

炒

葛根

錢各五

右每服二錢作瀉者加厚朴甘草

黃芩知母湯治麻症癍爛隱疹如錦紋或膿腥臭心胸

閉悶嘔吐清水溫壯不時

葛根

知母

洗

黃芩

麻黃

去節

陳皮

杏仁

去皮尖

甘草

各等分

右每服二錢若不嘔逆去陳皮加芍藥如吐則用之

升麻葛乾湯治瘡疹初起發熱咳嗽似傷寒未辨麻疹

白芍藥

川升麻

甘草

乾葛

各等分

右水煎每服三錢

化癍湯治癍疹渴熱最良

人參

知母

各一錢

甘草

五分

石膏末

四錢

右加粳米一撮水煎量服之

葛根橘皮湯治發癍煩悶嘔吐清汁兼治麻痘等症

葛根

陳皮

杏仁

去皮

麻黃

去節

知母

炒

甘草

黃芩

各半兩

右每服二三錢水煎

玄參升麻湯治癍疹已發未發或身如錦紋甚則語言

煩躁喉閉腫痛

玄參 升麻

甘草

各等分

右每服二三錢水煎服

烏梅丸

烏梅

三十箇酒浸肉研爛

細辛

附子

炮

乾薑

各一兩

黃連

一兩

當歸

蜀椒

各四兩

右為末烏梅肉與米飯和丸桐子大每服數錢白湯

下

羌活散

即人參敗毒散加天麻地骨皮

葛根麥門冬湯

方見頂陷心煩

解毒散

小柴胡湯

二方見癩疹

四物湯

方見癩瘡出遲

犀角湯

方見頂陷心狂

升麻葛根湯

方見痘寒戰

人參麥門冬湯

一名麥門冬散  
方見發熱口渴

大連翹飲

方見夾疹痘

導赤散

方見疳蝕之症

痘瘡生癰毒治之症

陳文宿先生云痘疹首尾不宜與水喫若悞與之瘡壓之後其痂遲落或生癰腫鍼之而成疳蝕以致難愈蓋脾胃外主肌肉飲水過多濕損脾胃搏於肌膚則津液衰少氣血不能周流凝結不散故瘡痂遲落而身生癰腫也張潔古先生云癰腫發於身前手陽明經也發於四肢足陽明經也丹溪先生云痘癰多是餘毒血熱所



致當分上下用藥而以涼血為主大便燥實加大黃如  
不應當分經絡所屬血氣虛實其膿成否竊謂前症初  
起未成膿者用活命飲隔蒜灸治而消之欲成膿者用  
四君子湯加當歸黃芪以補托元氣大凡痘瘡始末皆  
係脾腎之氣所主若飲食藥餌一有失宜必致多變他  
症凡於飲食少思內熱晡熱者皆屬脾腎氣虛血弱之  
故也宜佐以四君子加川芎當歸黃芪升麻或飲食如  
常有發熱作痛亦屬氣血虛弱餘毒為患亦宜佐以射

干鼠粘子湯若飲食如常發熱作痛大便秘結者係屬  
熱毒內蘊宜用大連翹飲如或不應仍用仙方活命飲  
若根赤而作痒者是血虛也宜用四物湯加以牡丹皮  
色白而作痒者亦血虛也宜以四君子加當歸芍藥若  
色赤而作痛者是血熱也宜以四物湯加連翹與金銀  
花若腫而不潰者乃氣血兩虛之故也須用托裡消毒  
散若潰而不愈者皆因脾氣虛弱也宜用六君子湯以  
滋補之

一小兒痘毒蝕陷敷以雄黃散及服加味解毒散而愈  
一小兒痘毒遍身腐潰膿水淋漓以經霜茅草研細末  
鋪於寢席之上令小兒睡卧於上更服九味解毒散頓  
愈又用神效當歸膏敷之而痊

一小兒痘毒之後更患腿膝腫痛極甚此乃脾腎虛而  
毒流注宜先用仙方活命飲服服過四劑其腫痛頓減  
大半再用補中益氣湯及六味丸而痊

一小兒腿膝腫潰膿水不止內熱晡熱體倦肌瘦余以

為元氣復傷用八珍湯兼六味丸服三月而愈

一小兒痘瘡已愈兩目昏閉余用鼠粘湯加山梔龍膽  
犀角目開而有赤白翳佐以蛇蛻散外用二粉散而安  
一小兒痘毒潰而腫不消煩躁作渴小便如淋手數尋  
空此肝脾虛熱也用八珍湯加減八味丸料各二劑而  
安又用大補湯而愈

一小兒痘毒腿膝腫此脾腎虛而毒流注也用如聖餅  
及活命飲四劑腫痛頓減再用益氣湯地黃丸而痊

一小兒腿膝腫潰膿水不止晡熱體倦先君謂元氣復傷陰虛所致用補陰八珍湯地黃丸而愈

一小兒痘毒敷寒涼藥內潰不愈清膿甚多此元氣虛也朝用益氣湯夕用八珍湯各五十餘劑佐以豆豉餅而愈

一小兒腮患毒用活命飲腫痛已退肢體甚倦此邪氣去而元氣虛也用聖愈湯元氣少復用托裏散而痊

一小兒左耳下連項赤腫作痛此少陽膽經火症用梔

子清肝湯治其母用活命飲治其子而痊後復作誤服敗毒散潰而不斂瘡口色白余用托裏散而痊

一小兒出痘七日寒熱作渴兩脇及臂外患痘疔此屬膽經也挑出黑血以小柴胡湯加生地黃一劑熱渴頓止又用活命飲而痊

一小兒患此面腫肉色如故脉浮而大按之微細余謂此元氣虛而邪從之也當補元氣為善不信反服犀角丸化毒丸而歿

神效隔蒜灸法治痘癰大痛或麻木痛者灸至不痛不  
痛者灸至痛其毒隨火散用大蒜頭切三分厚安上  
用小艾炷於蒜上灸之每五壯易蒜再灸痛不止尤  
宜多灸小兒須將蒜切片著肉一面畧剜小空灼艾  
燃蒜先置大人臂上試其冷熱得宜然後著瘡上又  
別灼如前法試之以待相易勿令歇  
仙方活命飲治痘疔痘毒及一切瘡毒未成即消已成  
即潰此消毒敗膿止痛之聖藥

金銀花

陳皮

各三錢

皂角刺

炒

穿山甲

用蛤粉炒

乳香

沒藥

白芷

防風

當歸

各一錢

貝母

天花

粉

甘草節

各七分

右每服五錢酒煎嬰兒母同服為末酒調服亦可若勢甚而邪在表者加麻黃散之而毒在內者加大黃下之當臨症制宜此解回生起死之劑但元氣脫者不治

六味活血散治癰疽瘡痛初起紅腫不散



當歸 川芎 赤芍藥 生地黃 紅花 蘇木

各等分

右水煎量服之

托裏散治痘毒元氣虛弱不能潰散未成用之自消已

成用之自潰

人參 黃芪 炒各二錢 當歸 酒洗 白朮 陳皮 熟地黃

茯苓 芍藥 炒各一錢五分 甘草 炙五分

右三五錢水煎服

托裏消毒散治痘毒氣血虛弱不起發腐潰收斂或發寒熱肌肉不生

人參 黃芪

當歸

酒洗

川芎

芍藥

炒

白朮

陳

皮

茯苓

各一錢

金銀花

連翹

白芷

各七分

甘草

五分

右每服三五錢水煎

東垣聖愈湯治膿潰心煩無寐體倦少食

熟地黃

自製者佳

生地黃

各二分

川芎

人參

各三分

當歸

黃芪 各五分

右水煎服

濟生歸脾湯治脾血虛損健忘驚悸或心氣虛不能攝  
血歸源以致妄行或吐血下血或因乳母心脾二經  
有熱瘡不結痂或瘡痕赤色加柴胡山梔即加味歸  
脾湯

人參 白朮 黃芪 白茯苓 龍眼肉 當歸

遠志 酸棗仁 炒各二錢 木香 一錢 甘草 五分 當歸身 一錢

右薑棗水煎母子同服

東垣清胃散治胃經有熱齒牙作痛或飲食作渴口舌生瘡或唇口腫痛焮連頭面或重舌馬牙吐舌流涎若因服尅伐之劑脾胃虛熱口舌生瘡或弄舌流涎或嘔吐困睡大便不實者用五味異功散

升麻

五分

生地黄

四分

黃連

牡丹皮

各三分

當歸

稍四分

右水煎服嬰兒母亦服

替針丸治痘癰膿已成不潰

陳壞米

一錢 硃砂五錢

雄雀糞

四十九粒 真雄雀糞直者是也

右為末米粥丸如麥粒大每用一粒粘瘡頭上以膏藥貼之半晌其膿自出若瘡頭透而膿不出或出而愈痛或發熱血氣虛也用托裏散或作嘔吐痰食少體倦脾氣虛也用六君子湯

神效太乙膏治一切瘡疽潰爛

玄參 白芷 當歸 肉桂 赤芍藥 大黃

生地黃

各一兩

右咬咀用麻油四十兩入銅鍋內煎至藥黑摠去渣  
徐入淨黃丹一斤再煎滴水成珠捻軟硬得中即成  
膏矣

神效當歸膏治痘毒津淫或湯火等症及瘡腐不能生  
肌收斂者

當歸 生地黄 黃蠟

各一兩

麻油

六兩

先將當歸地黃入油煎去渣入蠟熔化候溫攪勻即  
成膏矣

豆豉餅治瘡瘍腫痛或硬而不潰及潰而不斂并一切  
頑瘡毒癰用江西豆豉為末唾津和成餅大如銅錢  
厚如三四錢置患處以艾鋪餅上灸之未成者即消  
已成者祛逐餘毒間有不效者乃氣血虛敗之症參  
疔瘡論灸法用之

神功散治瘡瘍初起腫痛者用之可消加血竭更效

黃栢炒為末  
二錢

草烏生為末  
二兩

右用漱口水調敷常以漱水潤之

飛龍奪命丹治痘疔痘毒痘癰或麻木嘔吐重者昏憤

咬牙

真蟾酥

乾者酒化輕粉

各一錢

枯白礬

寒水石

銅碌

乳香

沒藥

麝香

各二錢

朱砂

六錢

蝸牛

四十二箇另研

如無亦可

右各為末入蟾酥蝸牛或加酒少許糊丸菴豆大每服一九溫酒或葱湯送下重者外用隔蒜法灸甚者多灸或着肉灸



五福化毒丹治痘毒實熱腫痛

生地黃

熟地黃

天門冬

去心

麥門冬

去心

玄參

各二

兩

甘草

甜硝

各三兩

青黛

一兩五錢

右為末蜜丸芡實大每服一丸白湯化下

犀角消毒丸治痘疹餘毒一切瘡毒

生地黃

荊芥

當歸

犀角

屑

防風

牛蒡子

杵炒

赤芍藥

連翹

桔梗

各七錢

薄荷

黃芩

甘

草

右為末蜜丸芡實大每服一丸白湯化下

按化毒丹降火涼血解毒寒中之劑消毒丸清熱解毒破血之劑蓋小兒臟腑脆嫩元氣易傷况痘後氣血皆虛豈能勝當此劑若胃氣一傷則未成者不能消散已成者不能腐潰已潰者不能生肌殊不知痘瘡乃臟腑所發遍身之血皆化為膿况此方愈而患此乃脾胃虛怯肌肉消弱榮衛短澇所致治者審之

蟾蜍丸

蟾蜍

一枚夏月溝渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食一晝夜以布袋盛置浸急流水中一宿取出瓦上焙為末入麝一字粳米飯丸麻子大每服二十九丸米飲下

八珍湯

方見頂陷灰白

小柴胡湯

方見痲症加生地黃山梔即加味小柴胡湯

梔子清肝散

即柴胡梔子散方見作痒搔破

十全大補湯

方見腹脹氣喘

當歸補血湯

補中益氣湯

二方見寒戰咬牙

六味地黃丸

加五味子肉桂名加減八味丸

四君子湯

方見痘不靨悶亂

加味逍遙散

方見欲靨不靨

加味歸脾湯

方見痘疔

加味清胃飲

方見痘不結痂

大蘆薈丸

方見風邪搏於肌膚

人中白散

如聖餅

補陰八珍湯

三方見夾疹痘

痘疔

痘疔又謂之賊痘或三五枚或五七枚間雜於諸痘之間其色紫黯作痛不寧以致諸症蜂起不能貫膿甚至不救乃熱毒勢甚併結也用仙方活命飲如二便秘澀

量加大黃遍身拘急加麻黃外必用線針挑破出黑血  
或吮出毒血以泄其毒餘痘纔得貫膿否則其毒無從  
而解必致不起如未應急用隔蒜灸若毒氣盛者或不  
知痛者不用蒜隔就着肉灼艾灸之若灸後瘡頭紅腫  
發焮用針挑破出毒血灼艾尤好雖此法未出方書子  
屢用屢驗者世多用至寶丹之類亦不可恃

一小兒有疔二枚諸痘焮赤作痒而不貫先君以針挑  
破隔蒜灸至五十餘炷而貫又十餘壯而痛止用活命

飲末二錢熱酒調服出紫血又二服疔毒悉退痘漿悉  
貫更用犀角消毒散而愈

一小兒患痘疔挑出毒血服活命飲而痘愈但疔處或  
痒或痛用活命飲隔蒜灸而愈用參芪四聖散而靨

一小兒痘內有疔數枚雖挑出毒血餘毒不解先君用  
仙方活命飲一劑徐徐灌之毒解漿貫而愈

一小兒患痘疔遍身焮如丹毒內紫色者三枚用活命  
飲隔蒜灸其勢漸退又用活命飲末二錢漿漸貫更用

四聖散犀角消毒散而愈

一小兒出痘第七日寒熱作渴兩脇及臂外側膽經各患痘疔先用針挑出黑血乃用小柴胡湯加生地黃一劑熱渴頓止又用活命飲一劑而痊

一小兒出痘稠密痛甚色赤翌日變黑索水飲之神思稍清先用活命飲末冷酒調服三錢痛雖稍緩其痘如指色赤腫高又用奪命丹一粒腫痛十減六七又用活命飲末一服溫酒調又得減三四再服而漿貫却用四



聖散而痊

犀角消毒散治癩疹丹毒發熱痛痒及瘡疹等症

牛蒡子

甘草

荆芥

防風

各五分

犀角

鎊二分

金

銀花

三分

右水煎熟入犀角傾出服

仙方活命飲

飛龍奪命丹

隔蒜灸法

三方見痘癰

四聖散

方見腹脹氣促

小柴胡湯

方見痲症

夾疹痘

夫疹乃風邪外患痘為胎毒內發二症並作臟腑俱病也二者相雜赤暈發焮痘瘡愈盛誤謂痘出太密多不可救然此乃疹夾痘也當治以人參羌活散疹毒即解痘勢亦退其元氣虧損不能結痂當補解胃為急也人參羌活散治時氣痘疹兼於發表

人參 羌活 獨活 柴胡 前胡 桔梗 茯苓  
苓 枳殼 川芎 天麻 甘草 地骨皮  
右入薄荷五葉薑水煎服

東垣消毒救苦湯治癍疹悉自消化使令不出已出稀  
者再不生癍十一月立此方隨四時加減通造化明  
藥性者能之

麻黃根 羌活 防風 升麻 柴胡 川芎

藁本 葛根 酒黃芩 生地黃 細辛

各二分

二分

二分

二分

二分

生黃芩

各一分

黃連

酒黃栢

紅花

少許

蘇木

當

歸身

吳茱萸

五分

白朮

蒼朮

二分

生甘草

一分

橘皮

連翹

半分初出減出太盛者加之

右每服五錢水煎熱服

人中白散

人中白

煨一兩

黃栢

炒黑三錢

右為末搽口內

如聖餅治一切瘡瘍硬腫不能消散或毒不能解散

乳香 沒藥 木香 血竭 當歸等分 麝香少許

右各另為末酒糊和為餅炙熱頻熨患處惡瘡加蟾  
蜍等分

四味肥兒丸一名小肥兒丸治食積脾疳目生雲翳口舌生瘡

牙齦腐爛發熱瘦怯遍身生瘡等症或痘後患之

黃連炒 蕪荑炒 神麩炒 麥芽炒等分

右為末水糊丸桐子大每服二三十丸空心白湯下  
加味解毒散治痘疹痒痛寒熱甚者煩躁譫語并痘毒

發熱咽乾

犀角

錢五

連翹

錢炒二

牛蒡子

錢炒三

薄荷

錢一

甘草

五分

右為末每服一二錢滾湯調下

補陰八珍湯

即八珍湯加黃栢知母炒黑

葛根黃連湯治疹後身熱不除

葛根

錢五

黃連

錢三

黃芩

錢二

甘草

錢半

右水煎服

獨參湯

人參一兩  
薑棗同煎

春澤湯

人參 白朮 茯苓 澤瀉 猪苓


右水煎服

大連翹飲

連翹 黃芩 瞿麥 木通 滑石 柴胡 防

風 荊芥 赤芍藥 甘草 蟬蛻 山梔

右每服三四錢水煎服



薛氏醫案卷七十一



欽定四庫全書

子部

薛氏醫案卷七十二

詳校官太醫院吏目臣宋桂

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣李廷讓

欽定四庫全書

薛氏醫案卷七十二

保嬰撮要十七

痘稠密

張潔古先生云一發稠密如針頭者形勢重也輕其表而涼其內連翹升麻湯主之然稠密之處各有經絡部分所屬額主心面主胃腹與四肢主脾脇主肝兩腋主

明薛己訂

肺下部主腎肩背主膀胱當隨見症治之若面色黃大便黑煩躁喘渴或腹脹者瘀血在內也用犀角地黃湯或抱龍丸生犀角汁但根窠分明肥滿者無妨竊謂前症若屬心經用導赤散之類胃經用犀角散之類肝經用柴胡湯之類大凡稠密者熱毒熾盛也若密而不痛用東垣消毒散若密而作痛用仙方活命飲若密而小便不通用八正散若密而大便不通用承氣湯若密而惡寒發熱用麻黃甘草湯

一小兒十三歲痘瘡稠密而痛脉洪數而有力先君用  
仙方活命飲二劑先出者痛頓止後出者隱於肉裏用  
東垣消毒散二劑隱者悉消又用活命飲一劑脉靜身  
安而痊

一小兒痘稠密身側尤甚焮赤呻吟飲乳不徹先君謂  
肝膽之火助邪為患故身側尤多乃乳母肝火傳變也  
用紫胡梔子散治其母子飲數滴而靨

一小兒痘瘡甚密身側尤甚貫膿不滿不紅活或云當

歿於十二日余以為氣血虛弱用八珍湯加糯米百粒  
數劑至十五日而愈

一小兒痘密而灰白色始末悉用補托之藥安後飲食  
過多嘔吐面青白唇目牽動先君以為慢脾風症之漸  
不信翌日手足時搐用五味異功散加木香乾薑而愈  
一小兒痘稠密色赤先君以為熱毒用東垣消毒散一  
劑初出者頓起後出者悉沒再劑如斯而靨

一小兒稠密色黑煩躁喜冷手足並熱先君謂火極似

水令恣飲芹汁煩熱頓止先用犀角地黃湯次用地黃丸料服之而愈

一小兒稠密出遲用四聖散而起發用參芪內托散而靨後發熱惡寒用八珍湯而愈

一小兒痘密而痛用東垣救苦湯一劑痛頓止用紫草木通湯而愈

一小兒痘密身痛如刺用活命飲一劑其痛即止又用犀角消毒散而愈

一小兒痘初出密痛用東垣救苦湯痛頓止又用四聖散而發用犀角消毒散而愈

麻黃甘草湯治表實痘毒焮盛稠密

麻黃 生甘草

右水煎服

柴胡梔子散

方見作  
痒搽破

甘桔防風湯

方見痘  
咳嗽

紫草甘草枳殼湯

方見  
痘喘

東垣消毒散

一名救苦湯  
方見痘身痛

紫草木通湯

方見小  
便不利

仙方活命飲

方見  
痘癰

六味地黄丸

方見  
熱屬陰陽發

小柴胡湯

方見  
癰症

四聖散

方見  
痘腹脹氣促

紫草散

方見  
頂心煩陷

抱龍丸

方見  
痘癰搖



犀角消毒散

方見  
痘疔

柴胡清肝散

即柴胡梔子散  
一方見痘潮熱

痘吐瀉

痘疹方云痘疹吐瀉蓋因脾胃不和飲食不調煩渴嘔吐泄瀉並用白朮散然瘡疹皆賴脾土脾土實則易出易靨萬物得土氣溫暖而生吐瀉則傷脾土遂有更變之症夏月中暑煩渴瀉或腹痛或欠筋用五苓散加藿香傷食吐瀉用小異功散手足並冷者用益黃散二豆蔻

丸頂陷灰白用木香散瘡正出而吐瀉者或見血者俱為逆症難治竊謂前症雖因脾胃不和然邪實上焦則宜吐邪實下焦則宜瀉如吐瀉曖腐吞酸皆宜宣發但微甚不同耳張翼之云若痘疹吐瀉少食為裏虛陷伏倒靨灰白為表虛二者俱見為表裏俱虛合用十二味異功散救之甚至薑附靈砂亦可用若止裏虛去官桂止表虛減肉苳菹若能食便秘倒靨為裏實而補當用錢氏及丹溪法下之皆為能食為裏實裏實而補則結

癰毒紅活綻凸為表實表實而補則潰爛不結痂凡痘見癰便忌葛根湯恐發表虛也如有更變當隨症治之  
一小兒痘初出忽吐瀉飲乳不歇屬脾胃虛弱用人參白朮散作大劑母子並服又用五味異功散為末時以乳調服吐瀉止而靨

一小兒出痘作瀉手足並冷用十二味異功散稍愈又用五味異功散加薑桂一劑而止又用薑加木香一劑再用參芪四聖而靨

一小兒痘瘡愈而作瀉不食此脾氣內虛先用五味異功散而瀉止食進後又傷食吐瀉發搐仍以五味異功散加天麻柴胡而愈

一小兒痘後作瀉腹中疼痛手足並冷此脾氣虛也用五味異功散加乾薑一劑乃去薑又數劑而痛止又用六君子湯加柴胡而瀉止

益黃散治瘡疹因煩渴飲水過多而傷脾胃吐瀉

丁香 訶子

煨

青皮

陳皮

木香

各等分

右為末每服一錢水煎

橘皮湯治嘔吐不止飲食不入

陳皮

生薑

各一錢

人參

五分

右水煎作三四次服之

生氣散治脾胃氣虛吐瀉肚腹膨脹飲食不化或腹痛

不止

丁香

甘草

各五分

白朮

青皮

木香

人參

各七分

分

右水煎徐徐服

五苓散

方見小便不利

五味異功散

方見寒戰咬牙

對金飲治傷食吐瀉

方見不瀝悶亂

豆蔻丸

方見泄瀉咬牙

十一味木香散

十二味異功散

二方見發熱屬陰陽

參芪四聖散

方見腹脹氣促

六君子湯

方見不  
屬悶亂

自汗

痘疹方云初起時自汗不妨蓋濕熱薰蒸而然也竊謂前症因邪在經絡自能發散使邪氣外泄若見此症不當用芪桂之屬以實腠理且自汗則痘熱已輕升麻葛根之類在所當禁恐發泄太甚則津液內耗陰隨陽散難以收靨靨後最宜審治若血虛者用當歸補血湯氣虛者用四君子加黃芪氣血不足者十全大補湯若飲

食自汗者異功散楊氏云痘瘡一見紅點升麻葛根便  
不可用此語甚是但此為表虛及無表症者而論若或  
邪在表痘赤綻焮者又當用麻黃甘草湯汗之腫焮作  
痛者用活命飲加麻黃散之蓋自汗盜汗為病不同自  
汗者汗無時而自出也屬陽虛盜汗者睡則汗出寤則  
汗收也屬陰虛汗者血之所化陰氣不能閉藏所以睡  
則汗出也痘家當以補血為主若當歸補血湯六味地  
黃丸八珍湯人參養榮湯之類皆可因証施治又有胃



虛者宜用四君及浮麥散食積內熱者宜用四君麴藥未靨之際恐致氣血虛而不能結痂既靨之後尤防血脫陰虛陽無所附矣

一小兒痘將出自汗作渴發搐此心肝二經熱甚用柴胡麥門冬散而熱症退用紫草快癍湯痘悉見又用四聖散而結靨

一小兒痘出自汗發搐流涎此木火侮土先用五味異功散加釣藤鈎諸症頓減次以五味異功散加柴胡而

安

一女子出痘色赤自汗發搐作嘔此肝火侮土先用五味異功散加柴胡鈞藤鈎熱搐悉愈又用托裏散漿貴而愈

一小兒痘出自汗面赤作渴手足並熱大便乾黃此腸胃皆熱用瀉黃散末一服諸症頓退又用五味異功散加山梔麥門冬而痊

人參養榮湯治氣血俱虛發熱惡寒肢體瘦倦食少作

瀉或久病虛損口乾效而下痢驚熱自汗盜汗

人參 陳皮 黃芪炒 桂心 當歸 白朮炒 甘草

炙各一錢 白芍藥炒錢半 遠志五分 熟地黃自製 五味子杵炒各七分

右每服二三錢薑棗水煎

麻黃甘草湯

麻黃 甘草等分

右每服一錢水煎

浮麥湯

浮麥不拘多少

炒香

右每服三五錢水煎

當歸六黃湯治血氣不足虛火內動煩躁自汗盜汗不

止

方見煩躁

痒塌

陳文宿先生云痘瘡痒塌若臟腑調和血氣充實外常  
溫煖內無冷氣必無此症設服宣利之藥所致宜用異  
功散治之丹溪云痘疹痒塌者於形色脉上分之實則

脉有力氣壯虛則脉無力氣怯虛痒則實之更加涼血藥實痒則大便秘結以涼藥下之竊謂前症若色赤而兼痒者屬血虛有熱用四物牡丹皮色白而兼痒者屬氣虛有熱用四君加芎歸若發熱大便秘結者用犀角消毒散發熱大便調和者用麥門冬飲寒戰渴瀉喘嗽聲啞氣急先用十一味木香散如未應用十二味異功散外用敗草散敷之若寒戰咬牙煩熱喘渴足冷灰白內陷腹脹渴瀉者皆不治

一小兒出痘六日痒塌寒戰錢密庵謂血氣虛寒用十  
一味木香散二劑而漿貫用參芪托裏散而靨脫後痕  
作痒用大補湯而痊

一小兒第七日痒塌少食手足俱冷發熱惡寒先君謂  
陽氣虛寒用十二味異功散一劑而痒止又用托裏散  
加肉桂四劑而漿貫用十全大補湯而結靨後痕赤作  
痒此血氣虛熱用八珍湯二十餘劑而愈

一婦人出痘熱數日而發見用紫草快癩湯雖紅活而

痒塌詢其素勤勞元氣頗不充實用八珍湯煩熱漸止  
又用托裏散而愈

一小兒十六歲第九日痘塌口乾發痒手冷腹痛先君  
謂脾胃氣血虛弱用五味異功散加歸芪薑桂四劑痒  
漸止又用十全大補湯六劑漿貫用八珍湯數劑而愈  
後遍身不時作痒或痘痕色赤用補中益氣湯而痊  
一小兒痘漿不滿面赤作痒余謂血氣虛而有熱欲與  
溫補不信服清熱之藥至十三日瘡痕色赤煩渴腹脹

不食手足逆冷而歿

五味異功散治痘瘡脾胃氣虛痒塌

方見寒戰咬牙

紫草快癍湯

方見頂陷心煩

四物湯

方見痘瘡出遲

四君子湯

即六君子湯出陳皮  
半夏方見不瀰悶亂

托裏散

犀角消毒散

二方見痘癰

十全大補湯

方見腹脹



八珍湯

十一味木香散

十二味異功散

三方見頂  
陷灰白

倒靨

丹溪先生云痘疹倒陷因真氣虛而毒氣不能盡出者用黃芪人參紫草酒製治之若將成就之際却淡色者屬血虛用當歸川芎之類或加紅花紫草屬熱毒者用升麻苓連梗翹之類甚者用犀角屑大解痘毒竊謂前

症若熱毒方出忽被風寒閉塞肌竅血脉不行身體作痛或四肢微厥斑點不長或變青紫黑色者此為倒靨若胃氣虛弱不能補接榮衛出而復沒者謂之陷伏誤用解毒之藥必致陷塌若喜熱飲食手足並冷者乃脾胃虧損陽氣虛寒之症宜用辛熱之劑補之喜冷飲食手足並熱乃陽氣實熱之症宜用苦寒之劑瀉之外感風寒者溫散之毒入腹者分利之陽氣虛者溫補之外寒觴犯者薰解之陳宿州先生用十二味異功散以預

保脾土於未敗之先實發前人之未發開萬世之矇瞶也

一小兒痘將愈忽黑陷余謂氣血虛用紫草散加入參當歸又用參芪托裏散而愈

一小兒將愈而倒靨咬牙寒戰手足並冷飲沸湯而不知熱用十二味異功散一劑諸症頓退却用五味異功散倍用參朮數劑而愈

一小兒痘飲食多而作吐服枳朮丸色黑將陷用五味

與功散加乾薑二劑貫漿而靨

一男子發熱昏憤數日發紅點用快癩湯托裏散貫漿將靨忽發熱惡寒瘡黑倒靨手足並冷口渴飲湯此陽氣虛寒也用獨參湯四劑諸症漸愈而靨

一小兒蕪嘔手足並冷余謂脾氣虛寒欲用十二味異功散不信另用雜藥而歿

成都方士禹太和治痘瘡黑陷垂死者用壁間喜蛛如黃豆大者一枚搗爛一歲兒用雄黃一分二歲二分十

歲者用一錢入蛛蜘蛛內研勻用好燒酒調服愚意此即木香散異功散之類也若因陽氣虛寒不能榮運週身以致四肢逆冷腹脹唇青黑陷者宜用燒酒若因元氣虛弱色白隱於肌膚而不能起發者宜用陳酒亦不可拘泥於燒酒也若小兒未及週歲或兒大者宜酌量與之不可拘於杯許也又有一等症氣血俱虛者或色淡紅不光澤不起發或驚悸咬牙者加紫草紅花以用之

七味白朮散

方見發熱屬陰陽

十一味木香散

十二味異功散

二方見痘  
灰白色

癰爛

聞人氏云痘癰爛之症因當發散而不發散則毒氣閉塞以致喘促悶亂不當發散而誤發散則毒隨陽氣暴出於外遍身皮膚潰爛治宜調脾胃進飲食大便調和榮衛健旺毒氣自解而無目赤咽痛口瘡吐衄等症竊謂前症若發表過甚大便自利急用理中丸豆蔻丸以

救其裏亦有痘疹如蚊所嚙而色黑乃危症也若大小便秘結煩躁用山梔子湯獷獷尾血調腦子治之自利不食者不可用蓋毒發於表而妄汗之則腠理開泄榮衛益虛轉增瘡爛由是風邪乘虛變症者有之若毒根於裏而妄下之則內氣愈虛毒不能出而返入焉由是土不勝水變黑歸腎身體振寒兩耳尻冷眼合肚脹其瘡黑陷十無一生治者審之

一小兒患此發熱作渴手足並冷此脾經熱毒先用瀉

黃散五分又用七味白朮散而愈

一小兒患此但惡寒發熱體倦頭痛人迎脈大於寸口  
二三倍此風邪外傷用補中益氣湯加川芎蔓荊子愈  
而自醫

一小兒患此口舌生瘡手足並冷余謂此中氣虛而內  
熱耳用五味異功散議論不一猶豫未服翌日腹痛口  
噤余用前藥更加乾薑一劑諸症稍緩再劑而愈

一小兒患此或痒或痛發熱口渴先用白朮散次用補



中湯而愈後因作課勞心發熱頭痛痘痕燉赤用補中湯加蔓荊子及八珍湯而愈

一小兒患此作痛喜飲熱湯發熱惡寒手足並冷余謂此中氣虛而外假熱也用補中湯加參芪各三錢四劑而愈

一小兒患之多在兩脇時發寒熱此肝經之症用加味逍遙散而寒熱退又二劑而脇痛止及立效散而痊  
一小兒患之作渴發熱額間為甚此心經有熱先用導

赤散母服漸愈又用柴胡梔子散傅三黃散而痊

一小兒患之發熱作渴面目多白尺脉數而無力此稟足三陰虛也用地黃丸補中湯尋愈畢姻後患瘵症服黃栢知母等藥幾危余仍用前藥而痊

一小兒患此體倦惡寒此脾胃氣虛也用補中益氣湯數劑而愈後因飲食停滯發熱而痘痕復赤先用參朮陳皮神麴山查消食仍用補中益氣湯調補脾胃而愈若誤用敗毒之劑決不起矣

一小兒痘愈後因勞痘痕作痒搔破膿水淋漓面色皎白脉浮大按之如無余用補中益氣湯漸愈或云先攻其邪其後補之乃用消風散變痘汗出口噤而死惜哉  
山梔子湯治痘疹及癩毒狀如蚊蚤嚙毒盛黑色者

梔子仁

一兩

白蘚皮

赤芍藥

升麻

各一兩

寒水石

甘草

各錢五

右為末每服一錢水八分入紫草

三黃散治疔熱生瘡膿水浸淫膿流處便濕爛

松香 五倍子 黃連 海螵蛸 黃丹 各一輕

粉 雄黃

右為末用瑩肌散煎洗滲之乾者香油傅

豆蔻丸

方見泄瀉  
咬牙

五味異功散

補中益氣湯

二方見寒戰  
咬牙

柴胡梔子散

即柴胡清肝散

加味逍遙散

方見欲瀝不瀝

地黄丸

即六味地黄丸

七味白朮散

二方見發熱屬陰陽

瀉黃散

方見瀘後發咽痛

導赤散

立功散

二方見風邪搏於肌膚

痘癩搖

錢氏云痘疹癩搖由內相勝也惟心癰脾疹能作搖蓋疹為脾所主脾虛而不勝土風熱相搏而動於心神心

喜熱神氣不安因搐成癇癇為心所生心主熱熱生風  
風屬於肝二藏相搏風火相爭故發搐當瀉心肝若涼  
驚用涼驚丸溫驚用粉紅丸海藏云諸痛痒瘡瘍皆屬  
心火無論虛實皆從心火土說脾虛則肝氣乘之與心  
火相合耳若脾土實心火旺而逆乘以致癇者此實邪  
也便結者瀉青丸便軟者瀉心湯潔古云未出而發搐  
者是外感風邪之寒內發心火之熱所作也當用解毒  
丸犀角地黃丸主之世傳云瘡疹欲出身熱煩躁忽發

驚搐宜用驅風膏小如聖飲小便不通八正散痰涎壅  
盛利驚丸抱龍丸丹溪云欲發瘡疹先身熱驚跳搐搦  
此非驚風宜用發散之藥竊謂前症痘疹未見而先發  
搐者乃毒氣自心經出也若病勢輕緩或形氣虛弱者  
不宜用峻厲之劑恐元氣內損則毒氣內陷而瘡不能  
起發也或外感風寒之邪內因瘡疹之熱而相搏或肝  
血虛火動而内生風當補元氣為主佐以見症之劑然  
前方多峻厲之劑審有是症方可用須察其色赤白而

以脾胃為主虛則用溫補實則用解毒若先發搐而後發瘡多有生意瘡已瘥而發搐或吐瀉者難治

一小兒痘痂脫盡因其穢氣用葱椒煎湯浴之發搐痰喘用八珍加白殭蠶蟬蛻一劑痰喘頓止又用四君芎歸釣藤鈎而搐止

一小兒痘瘡色赤四肢發搐眉唇牽動此心肝二經熱甚乘脾所致也用四君防風釣藤鈎而痊

一小兒痘後四肢發搐眉稜尤動小便頻數臉目青赤



此肝經風熱用四物柴胡山梔少愈但四肢倦怠飲食少思大便不實此脾氣受傷而未復也用四君升麻當歸而痊

一小兒痘後寅卯申酉時熱甚或蕪搐余謂寅卯時發熱此肝火本症申酉時發搐乃肝木侮金先以四物白朮茯苓釣藤鈎煎送柴胡二連丸而愈夕用地黃丸朝用四君山梔柴胡及四君子加當歸而痊

一小兒痘瘡色赤發搐痰盛服抱龍丸而頓愈又因母

大怒兒仍搐母服柴胡梔子散加味道遙散母子並愈  
一小兒痘愈後發搐左額青赤唇口牽動余謂肝心二  
經風熱所致先用柴胡梔子散加釣藤鈎後用加味道  
遙散而搐止再用五味異功散而痘愈

一小兒痘將愈發搐痰湧頭目不清脾氣虛弱肝木侮  
之先用五味異功散加柴胡釣藤鈎搐愈而靨

柴胡二連丸治肝經實火

柴胡 宣黃連 胡黃連

各末糊丸桐子大每服二三十丸白湯下

補中益氣湯

方見寒戰咬牙

六君子湯

方見不瀝調亂

四神丸

方見泄瀉咬牙

十一味木香散

方見頂陷灰白

痘風

丹溪先生曰痘風分氣血虛實虛則黃芪生血之劑主之佐以風藥實則白芍黃芩為君連翹白芷斷續之類

為佐竊謂前症更當分痘瘡已出未出已靨未靨外邪所傷內虛火動若未出而搐搦熱毒內蘊也紫草快癍湯加釣藤鈎已出紅綻而搐搦熱毒作痛也東垣逍毒散加釣藤鈎貫膿而搐搦血氣虛也參芪四聖散加釣藤鈎若靨後而搐搦血氣尤虛也八珍湯加釣藤鈎或目睜或直視者風火相搏也柴胡梔子散或六味地黃丸加柴胡山梔或口角流涎者木乘土也五味異功散加升麻柴胡釣藤鈎或目赤眵淚者肝血虛而生風也

四物湯加柴胡鈞藤鈞或角弓反張者水不生木也六  
味地黃丸加柴胡當歸隨用補中益氣湯加天麻鈞藤  
鈞不可直用治風之藥蓋風藥能燥血散氣必驗其手  
足冷熱溫和三症而用補瀉調理之法庶無誤矣如嬰  
兒當審乳母而治之

一小兒痘瘡將愈發搐服牛黃清心丸更口噤流涎此  
脾胃復傷肝木所侮而涎不能歸經耳先用五味異功  
散加鈞藤鈞諸症頓減次以五味異功散加柴胡而安

一婦人出痘因怒發搐痘痕赤色發躁作渴面目皆赤此汗多亡陽血脫而然也先用當歸補血湯二劑躁渴頓止又用八珍柴胡牡丹皮鈞藤鈎熱搐悉愈又用八珍湯而痊

一婦人痘瘡將愈因怒發搐口噤頭痛如裂痘痕皎白用補中益氣湯加蔓荊子鈞藤鈎頓愈又因怒發搐頭運不食先用補中益氣湯加天麻又六君柴胡而安

當歸補血湯治痘瘡血氣虧損發搐熱渴喜飲脉洪大

而虛重按如無者

方見寒戰咬牙

抱龍丸治痘瘡風熱發搐或痰甚者

膽星

四兩

天竺黃

一兩

雄黃

硃砂

各五錢

麝香

少許

右為細末用甘草一觔煎膏為丸每一兩作二十九丸用薄荷或燈心湯化下

按前方肝經清熱豁痰利氣祛風之藥過劑則脾肺復傷而反甚或更加胃腹作脹食少作嘔者宜用人參白朮散倍補中氣

造牛膽南星法蜡月南星中大者為末用黃牛膽汁拌  
勻仍入膽殼內以線扎口懸掛當風處陰乾隔年方  
可用重製二三次者尤妙

小柴胡湯

方見  
症

柴胡二連湯

方見  
前

六味地黃丸

方見發熱  
屬陰陽

四物湯

方見痘  
瘡出遲

十全大補湯

方見腹  
脹氣促



痘潮熱

張潔古先生云痘疹未有不因潮熱而出者觀其熱之時知自何臟發出寅卯辰時屬肝出水泡巳午未時屬心出斑瘡申酉戌時屬肺為膿泡亥子丑時屬脾出疹子惟腎獨居腑下不受穢濁故無症耳竊謂前症當察其虛實若壯熱飲水便秘屬實熱也少用清涼飲下之發熱飲冷大便不秘屬虛熱也宜人參白朮散補之若下而發熱愈甚此陰虛而陽無所附也用四物參芪之

類補之若下而潮熱面赤者血氣發躁也用當歸補血  
湯補之若見驚搐等症乃肝虛而内生風也用四物天  
麻釣藤鈎補之用發散之劑而熱愈甚此表虛而外熱  
也用四君當歸黃芪補之

一小兒先潮熱午前甚面青痘赤出而熱不止或時發  
搐手足不熱不冷此陽明胃經症為肝木所侮先用補  
中益氣湯加釣藤鈎四劑而熱止痘色紅活乃去釣藤  
鈎又四劑而貫漿用八珍湯而痊

一小兒痘紅活寅卯時潮熱作渴此肝經風熱症用柴胡梔子散末三服熱止漿貫又用八珍湯山梔丹皮而

靨

一小兒靨後潮熱手足微冷余謂胃氣虛弱用五味異功散佐以補中益氣湯而愈因飲食過度前症復作更腹脹大便不實小腹重墜此脾虛也用補中益氣湯而痊

一小兒痘後不時寒熱噫氣飲食吞酸服二陳枳實黃

連更寒熱如瘧腹墜下氣此中氣復傷而下陷也朝用  
補中益氣湯夕用五味異功散各加乾薑木香而愈  
一孺者先潮熱出痘面青脇痛此肝經之症用四君柴  
胡當歸山梔二劑脇痛稍緩又佐以加味逍遙散而痛  
止却用托裏散漿貫而靨後又潮熱用地黃丸而愈  
一婦人患此誤服寒涼之劑煩躁作渴飲沸湯而不知  
熱脉洪數按之微細此血氣俱虛用大劑十全大補湯  
加薑桂四劑更惡寒咬牙此虛極而藥力未能及也於

前藥內更加附子一片二劑諸症頓退乃去附子又二劑將安去薑桂常服而痊

一小兒痘愈後潮熱飲食少思面色痿黃久治不愈熱後面與手足如冰余謂脾氣虛寒當用六君薑桂不信而死手足皆黑惜哉

柴胡梔子散治痘瘡肝經有熱寅卯時發熱或寒熱往來或發熱驚搐或咬牙不止四肢勁強

方見濃水淋

加味道遙散

即道遙散加牡丹皮山梔

治因乳母肝脾血虛發熱致

兒發潮熱瘡不能愈者

方見欲  
磨不磨

人參白朮散

六味地黃丸

二方見發  
熱屬陰陽

八珍湯

方見頂  
陷灰白

清涼飲

方見大  
便不通

托裏散

方見  
症癱

十全大補湯

方見腹  
脹氣促

四君子湯

方見不  
磨悶亂

當歸補血湯

補中益氣湯

五味異功散

三方見寒  
載咬牙

四物湯

方見痘  
出遲

痘吐逆

世傳方云痘瘡吐逆無痰益黃散有痰二陳湯或橘皮湯半夏湯不止加丁香若吐而瀉者亦宜益黃散及陳氏木香散異功散吐而身熱煩渴腹滿氣促大小便澀

而赤者當利小便竊謂前症若手足並冷渴飲熱湯或  
腹作痛中氣虛寒也宜用益黃散手足不冷吐逆痰涎  
中氣虛弱也宜用橘皮半夏湯手足並熱熱毒壅滯也  
宜用導赤散口乾飲乳不徹胃經氣熱也宜用竹蒿湯  
吐逆不乳或吐乳酸穢此脾氣虛而乳食停滯也宜用

枳朮丸

一小兒痘不紅活手足微冷此陽氣虛弱也先君用五  
味異功散加乾薑肉桂二劑乃去薑桂加木香又二劑



而愈

一小兒十一歲出痘第九日吐逆不食手足並冷此陽氣虛寒之極也用十二味異功散一劑頓愈用五味異功散而安用參芪四聖散而靨

一小兒吐逆作渴手指並熱此胃經有熱也用竹茹湯而熱稍止用人參胃愛湯而吐亦止用化毒湯而貫膿四聖散而結靨

一小兒吐逆作瀉腹脹煩渴痘出不快手指微冷用七

味白朮散而諸症退用四聖散而諸痘出用人參蟬蛻散而諸痘靨

一小兒吐逆腹脹發熱作渴大便乾臭此因腸胃實熱用竹茹湯加黃連枳殼諸症稍退用紫草快斑湯瘡勢頓發如期而靨

一小兒痘出甚密嘔逆飲冷手足並熱此胃經熱甚先用葛根麥門冬散一劑熱症頓退又用瀉黃散末一錢用米飲調服而安用白朮散而痊

人參胃爰散治痘瘡已發未發吐瀉不止不思飲食或吐逆等症

人參 藿香 紫蘇 甘草炒 丁香 茯苓 木

瓜各等分 糯米

右每服三錢薑棗水煎

葛根麥門冬散治熱毒斑疹頭疼壯熱必神煩悶亂逆

嘔者方見頂陷心煩

按此陽明胃經之藥也外除表邪內清胃火兼補元

氣若非發熱作渴表裏俱實者不可用若表裏俱虛而發熱作渴宜用人參麥門冬散

七味竹茹湯

橘紅

半夏

各等分

白茯苓

二分

甘草

竹茹

黃連

薑 葛根 各二分

右薑水煎服

人參蟬蛻散治小便不利痘瘡不發煩躁作渴咬牙喘

滿

人參 蟬蛻 白芍藥 木通 赤茯苓 甘草

紫草茸

右每服三四錢水煎

橘皮半夏湯

橘皮 半夏 等分

右每服三錢薑水煎

化癍湯

方見水痘麻痘

紫草快癍湯

方見痘陷心煩

六君子湯

方見  
腹脹

導赤散

方見  
於肌  
風邪  
肉

十一味木香散

十二味異功散

二方見  
反白  
色

六味地黄丸

七味白朮散

二方見  
熱屬  
陰陽

四聖散

方見  
啞稠  
粘

五味異功散

方見  
戰咬  
牙寒

咳嗽

痘疹方云痘瘡未出之先咳嗽升麻湯頭疼身熱惡寒咳嗽參蘇木嘔吐痰涎白朮湯時氣頭疼咳嗽或靨後餘毒咳嗽惺惺散瘡不起發升麻湯感寒頭痛悶亂咳嗽木香散發熱嗽甚別無他症生地黄散風熱咳嗽五味子湯咽喉不利甘桔防風湯竊謂痘疹未出欲出之際乃熱毒上薰清道肺氣不寧宜用惺惺散若已出之後則屬元氣虛弱不能固衛腠理風邪乘虛而襲宜用

五味異功散加桔梗五味子以補脾肺

一男子咳嗽嘔噴腮頰赤目胞皆赤遍身赤瘡余謂此心臟痘疹彼疑惑而未用藥旬餘皆紅活起發余謂既紅活起發不必服藥至十七日大便下血未數日而痊

一小兒痘疹壯熱咳嗽痰甚煩熱作渴用人參清脾散

諸症頓退日用芹菜汁旬餘而靨

一小兒痘漸愈咳嗽肺脉大而無力用參蘇飲咳嗽漸愈因母飲酒又復咳用五味異功散加桑白皮杏仁山



梔母子並服而愈

一小兒痘瘡十二日患咳嗽唾痰胃中隱痛肺脉數滑  
余曰此兼患肺癰也當用桔梗湯不信翌日果吐膿血  
用桔梗湯而愈

一小兒十四歲痘愈後咳嗽脉數而無力朝用補中益  
氣湯夕用六味丸料各數劑漸愈畢姻後咳嗽發熱仍  
用前藥及八珍等藥而痊

一小兒痘將愈咳嗽面色黃白嗽甚則赤用五味異功

散調補而愈

生地黄散治小兒斑疹身熱口乾咳嗽心煩等症

生地黄

兩半

杏仁

欵冬花

陳皮

各三錢

甘草

炙二錢半

麥門冬

去心七分

右每服三五錢水煎徐徐服兒大加之若痰氣痘熱  
內作宜用桔梗甘草防風湯若痰上壅者佐以抱龍  
丸

桔梗湯治久嗽肺氣傷而吐痰有血痰或腥穢或咳吐

膿血肺癰等症

桔梗

炒

貝母

去心

知母

桑白皮

枳殼

各一錢

地骨

皮

瓜蒌仁

薏苡仁

杏仁

各五分

黃芪

微炒

當歸

各一錢

五味子

半錢

百合

炒錢五分

防己

一錢

葶藶

炒五分

右每服三五錢水煎服

甘桔防風湯治痘症餘毒瘡毒咽痛

桔梗 甘草 防風

右水煎服

六味地黄丸

七味白朮散

二方見發熱屬陰陽

五味異功散

補中益氣湯

當歸補血湯

三方見寒戰咬牙

十六味清膈散

即人參清膈散方見頂陷心煩

惺惺散

方見癰症

五味子湯

即小柴胡湯加五味子

參蘇飲

方見涕唾稠粘

喘症

痘疹方若云痘瘡已出未靨之間喘渴白朮散甚者木香散收靨後腹脹喘渴大便利小便澀葶藶木香散喘嗽五味子湯喘渴靨後餘毒不除大便堅實前胡枳殼散頭疼身熱惡寒微喘是有表邪也用參蘇飲竊謂前症若因脾肺虛弱宜用白朮散脾肺虛寒宜用木香散熱毒內蘊紫草甘草枳殼湯風邪外感用參蘇飲內外

壅滯人參清膈散大便自利小便澀滯葶藶木香散大便堅實前胡枳殼散

一小兒痰喘痘赤作痛熱渴喜飲冷水大便不利此胃經實熱先用前胡枳殼散諸症漸退又用犀角地黄湯而靨

一小兒面赤有痰口乾作渴右寸口脈洪數此心火刑肺金用人參平肺散一劑又用地黃丸料四劑而痊  
一小兒痘赤而痛喘嗽作渴脈洪數左尺右寸為甚此

腎火上炎乘肺為患用地黃丸料煎與恣飲如期而瘳  
一小兒十四歲痘方愈而喘促咳嗽余謂脾肺氣虛用  
五味子湯而愈後停食發熱喘嗽用五味異功散而安  
用補中益氣湯而痊

一男子出痘愈而喘嗽面赤服參蘇飲面色痘痕皆白  
此脾肺氣虛而復傷也用補中益氣五味異功散而痊  
一小兒喘渴面白手足時冷此脾肺氣虛用人參白朮  
散五味異功散而愈

一 小兒痘將愈喘渴腹脹大便不結小便澁此脾肺氣虛而然也先用葶藶木香散又用人參白朮散而愈

一 小兒痘出氣喘大便秘結手足並熱作渴飲冷用前胡枳殼散而安但飲食少面白此邪氣去而真氣虛也用補中益氣湯五味異功散而愈

一 小兒十四歲痘方愈而喘手足不熱余謂脾肺氣虛用補中益氣湯而愈後停食發熱手足不冷余謂脾胃虛熱而喘嗽用五味異功散二劑而熱退又用補中益



氣湯而愈

一小兒痘瘡狂喘躁熱作渴飲冷痰涎不利先君謂熱毒壅滯用人參清膈散犀角地黃湯各一劑頓愈又用當歸補血湯而愈

一男子痘愈而喘嗽面赤服發表之劑喘嗽益甚面色痘痕皆白手足並冷余謂脾肺之氣復傷而虛寒也用補中益氣湯加乾薑一劑元氣漸復却佐以八珍湯而痊

一男子痘愈而患喘發熱惡寒余用十全大補湯不信  
反服清熱之劑汗出如雨身熱如火面目痘痕如赭赤  
余曰汗多亡陽而虛熱也不信後果歿

六味涼血消毒散

牡丹皮 當歸 生地黄 赤芍藥 犀角

如無用升

麻 生甘草

等分

右每服三五錢水煎

紫草甘草枳殼湯

紫草 甘草 枳殼 各等分

右每服一二錢水煎

五味子湯

參蘇飲

前胡 枳殼散

三方見涕唾稠粘

六味地黃丸

人參白朮散


一名七味白朮散二方見發熱屬陰陽

聖濟犀角地黃湯

人參清膈散  
即十一味清膈散  
方見頂陷心煩

十一味木香散  
方見痘  
灰白色

葶藶木香散  
方見腹  
脹氣促



薛氏醫案卷七十二